

PREDNACRT

Na osnovu člana 22. Statuta Brčko distrikta Bosne i Hercegovine-prečišćen tekst («Službeni glasnik Brčko distrikta BiH» broj: 2/10), Skupština Brčko distrikta BiH, na ____redovnoj sjednici održanoj ____2011. godine, usvaja

ZAKON O IZMJENAMA I DOPUNAMA ZAKONA O PODSTICANJU PRIVREDNOG RAZVOJA U BRČKO DISTRIKTU BOSNE I HERCEGOVINE

Član 1.

U Zakonu o podsticanju privrednog razvoja u Brčko distriktu BiH («Službeni glasnik Brčko distrikta BiH» broj 13/06, 19/07 i 17/10), u članu 18. dodaje se stav (2) koji glasi:

«(2) Olakšice ne mogu uživati javna preduzeća čiji je osnivač Brčko distrikt BiH».

Član 2.

U članu 22. stav (1) mijenja se i glasi:

«(1) Odjeljenje će u roku od 15 dana od prijema zahtjeva donijeti rješenje kojim će odlučiti o ispunjenosti uslova za ostvarivanje olakšica.»

U istom članu u stavu (3) riječi :»na svakih šest mjeseci» zamjenjuju se riječima: «jednom godišnje».

Član 3.

U članu 25. stavu (1) tačka j) iza riječi: «uloženih u nabavku osnovnih sredstava» dodaje se «zarez (,)» i riječi:» izuzev nabavke putničkih automobila».

U članu 25 stavu (1) dodaje se nove tačke k) koja glasi:

«k) nadoknadu dijela sredstava na ime certifikata neophodnih za izvoz proizvođačkih firmi».

U članu 25. dodaju se novi stavovi (2), (3) (4) (5) i (6) koji glase:

«(2) Pod osnovnim sredstvima iz stava (1) tačka j) ovog člana smatraju se:

- a) zemljište za obavljanje registrovane djelatnosti;
- b) građevinski objekti, izuzev objekata namijenjenih stanovanju i rekreaciji;
- c) postrojenja i oprema;
- d) transportna sredstva;
- e) nekretnine, postrojenja i oprema u pripremi;
- f) osnovno stado;
- g) šume i višegodišnji zasadi;
- h) biološka imovina u pripremi.

(3) Maksimalan iznos koji se može isplatiti za olakšicu iz stava (1) tačke j) ovog člana je 20.000,00 KM.

(4) Maksimalan iznos koji se može isplatiti za olakšicu iz stava (1) tačke k) ovog člana je 50% od ukupnog iznosa uloženih sredstava na ime dobijanja certifikata, a ne više od 10.000,00 KM za jedan pravni subjekt..

(5) Osnovna sredstva iz stava (1) tačke j) ovog člana ne mogu se otuđiti pet godine računajući od dana nabavke osnovnog sredstva.

(6) Kriterijume za olakšicu iz tačke (k) ovog člana donosi Vlada Brčko distrikta na prijedlog šefa Odjeljenja.»

Član 4.

U članu 27. stavu (1) dodaje se nova tačka d) koja glasi:

«d) otuđi osnovno sredstvo iz člana 25. stav (1) tačka j) prije isteka roka od pet godina.»

Član 5.

Ovaj zakon stupa na snagu osmog dana od dana objavljivanja u «Službenom glasniku Brčko distrikta BiH».

PREDSJEDNIK SKUPŠTINE

OBRAZLOŽENJE

PRAVNI OSNOV:

Pravni osnov za donošenje izmjena Zakona je sadržan u članu 22. Statuta Brčko distrikta BiH-prečišćen tekst («Službeni glasnik Brčko distrikta BiH» broj: 2/10)

RAZLOZI ZA DONOŠENJE:

Usljed uticaja globalne ekonomske krize na kretanja u privredi BiH, a samim tim i u Brčko distriktu BiH, jedna od mjera koja ima za cilj ublažavanje negativnog uticaja ekonomske krize kao i osiguranje daljeg rasta nivoa privredne aktivnosti i povećanja investicija, je dopuna Zakona o podsticanju privrednog razvoja u Brčko distriktu BiH u smislu uvođenja novih vrsta olakšica za pravne subjekte.

Dopuna člana 18. stavom (2) nastala je kao rezultat preciziranja člana 3. Zakona o podsticanju privrednog razvoja u Brčko distriktu Bosne i Hercegovine («Službeni glasnik Brčko distrikta BiH» broj: 13/06, 19/07 i 17/10), odnosno otklanjanja dvosmislenog tumačenja pojedinih odredbi zakona.

Izmjena u članu 22. stav (1) rezultat je preciznijeg definisanja osnova za donošenje rješenja, dok je stav (3) istog člana izmijenjen iz razloga što je potreban duži vremenski period za kontrolu privrednih subjekata po svim segmentima.

U članu 25. predložena je dopuna na način da se kao vrsta olakšice uvede i nadoknada dijela sredstava na ime certifikata neophodnih za izvoz proizvođačkih firmi iz razloga navedenih u uvodnom dijelu ovog teksta.

U članu 25. predložena je izmjena u stavu (1) tačka j) i dopuna stavovima (2), (3), (4), (5) i (6) iz sledećih razloga:

-Izmjena u članu 25 stavu (1) tačka j) i dopuna stavom (2) i (5) je predložena radi harmonizacije sa Zakonom o izmjenama i dopunama Zakona o porezu na dobit, gdje je u okviru definisanja olakšica taksativno navedeno koja su to osnovna sredstva za koja privredni subjekti mogu iste ostvariti, s obzirom da se tačka j) odnosi na olakšicu u smislu nadoknade novčanog iznosa u visini novih investicija uložениh u nabavku osnovnih sredstava, do visine utvrđenog i uplaćenog poreza na dobit ili dohodak.

-Dopuna člana 25. stavovima (3) i (4) je predložena zbog činjenice da je na području Brčko distrikta BiH do sada registrovano oko 5.000 privrednih subjekata, od kojih do sada 20% koristi podsticaje, a sredstva namijenjena za podsticaj i unapređenje poslovnog okruženja su ograničena u budžetu.

BUDŽETSKE IMPLIKACIJE:

Potpun i precizan prikaz budžetskih implikacija na predloženi tekst izmjena zakona sačinice Direkcija za finansije Brčko distrikta BiH.